



Na osnovu člana 64. stav (1) tačka b), člana 70. Zakona o javnim nabavkama („Službeni glasnik Bosne i Hercegovine" broj 39/14) i člana 8. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javne nabavke od 28.03.2016. godine, Centralna izborna komisija Bosne i Hercegovine je na 14. sjednici održanoj 31.03.2016. godine, d o n i j e l a

ODLUKU **o izboru najpovoljnijeg ponuđača**

- (1) Ugovor o nabavci usluga interneta i usluga povećanja jačine i brzine interneta za potrebe Centralne izborne komisije Bosne i Hercegovine dodjeljuje se napovoljnijem ponuđaču „EuroproNet Bosnia“ d.o.o. Sarajevo, Fra Anđela Zvizdovića 1, po cijeni od 8.480,00 KM bez PDV, odnosno 9.921,60 KM sa PDV.
- (2) Ponuda ponuđača iz stava 1. ove odluke zadovoljava uslove utvrđene u predmetnoj tenderskoj dokumentaciji i ocjenjena je kao najpovoljnija ponuda, u skladu sa kriterijom za dodjelu ugovora utvrđenim u tenderskoj dokumentaciji, jer je ponuđena najniža cijena za predmetnu nabavku.
- (3) Ponuđaču iz stava (1) ove odluke, će biti dodjeljen ugovor u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.
- (4) Ova odluka stupa na snagu danom donošenja.

Obrazloženje

Postupak javne nabavke proveden je putem konkurentskog zahtjeva. Obavještenje o nabavci objavljeno je na portalu Javnih nabavki, broj obavještenja: 794-7-2-30-3-13/16 od 10.03.2016. godine. Primljene su tri ponude sljedećih ponuđača: „EuroproNet Bosnia“ d.o.o. Sarajevo Fra Anđela Zvizdovića 1, „Logosoft“ d.o.o. Sarajevo, Igmanska 9 i „BH Telecom“ Sarajevo, Zmaja od Bosne 88.

Komisija za javne nabavke imenovana Rješenjem broj: 07-2-16-3-95-1/16 od 04.02.2016. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-71-10/16 od 28.03.2016. godine je u prilogu ove odluke) i uputila preporuku Centralnoj izbornoj komisiji BiH za izbor najpovoljnijeg ponuđača „EuroproNet Bosnia“ d.o.o. Sarajevo, Fra Anđela Zvizdovića 1, za pružanje usluga interneta i usluga povećanja jačine i brzine interneta po cijeni od 8.480,00 KM bez PDV, odnosno 9.921,60 KM sa PDV.

Uzimajući u obzir navedeno, odlučeno je kao u dispozitivu ove odluke.


Pouka o pravnom lijeku

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom pošiljkom u roku od pet dana od dana prijema ove odluke.

Broj: 07-2-16-3-71-11/16
Sarajevo, 31.03.2016. godine

Dostavljeno:

1. Ponuđačima
2. Odsjeku za materijalno finansijske poslove
3. na web CIK BiH i
4. a/a



Predsjednik

Dr. Ahmet Santić